

# Բ Ա Ն Ա Վ Ե Ճ    Д И С К У С С И И

## III ԴԱՐՈՒՄ ՄԵՐ ՀԱՅՔԻ ԲԱԺԱՆՄԱՆ ՎԱՐԿԱԾԸ

Բաժնետիր. գիտ. դոկտոր Ա. Ա. ՄԱՐՏԻՐՈՍՅԱՆ

ՄԼԵ Հայքի միասնական թագավորության տրոհման վերաբերյալ առաջադրվել է նոր վարկած, ըստ որի «363 թ. Հռոմեոսի ամոթալի դաշնագիրը և 384—87 թթ. Մեծ Հայքի թագավորության բաժանումը երկու մարտնչող աշխարհակալությունների միջև կրկնությունն էր ավելի վաղ ժամանակներում (244—253 թթ.) նման պատմական պայմաններում տեղի ունեցած դեպքերին»<sup>1</sup>։

Այդպես ուրեմն, Մեծ Հայքի միասնական թագավորությունը տրոհվել է ոչ թե 387 թ., այլ շուրջ մեկուկես դար ավելի վաղ, «Հայ ժողովրդի պատմության» մեջ III դարի մասին գրեթե ամբողջ շարադրանքը հյուսված է այս վարկածի շուրջ<sup>2</sup>։ Բայց պոլություն ունեցող սկզբնաղբյուրները և նորագյուտ բնասրերի տվյալները նման հետևության չեն բերում։

Արտաշիր Պապականը երեք ճակատամարտերում հաղթանակ տարավ Արտավանի՝ Արշակունի վերջին արքայի դեմ և հաստատեց Սասանյան տիրապետությունը։ Դա տեղի ունեցավ 227 թ.։ Նոր դինաստիայի հիմնադիրն իրեն ղգում էր Աքեմենյանների ժառանգորդ և փորձեց վերականգնել աքեմենյան աշխարհակալության սահմանները։ Առաջին փորձերը, սակայն, շուրջ մեկուկես տասնամյակ, ոչինչ չեն տալիս։ Միջազետքում և Հայաստանում նա ուժեղ դիմադրության է հանդիպում։ 238 թ. պարսիկները սորից են մտնում Միջազետք։ Նրանց դիմադրվում է Գորգիանոս III կայսրը։ Նա Արեւելք է գալիս 242 թ. և ռազմական զործողություններ ծավալում Շապուհ I-ի դեմ։ Գորգիանոսը վերագրավելով Միջազետքը շարժվում է Տիգրոս։ 244 թ. սկզբին երկու բանակները բախվում են Միսիխեսի մոտ։ Գորգիանոսը սպանվում է, նոր կայսր հռչակված Փիլիպոս Արաբը դիմում է հաշտության և վճարում 5000 զինար։

Այդպիսով մեզ հաղորդում են այսպես։

«Ավելին»,—գրում է Ս. Ս. Երեմյանը,—ինչպես նշում են Զոնարասը և Եվագրիոսը, կայսրը ոչ միայն ռազմատուգանք է վճարում, այլև Շապուհ Ա-ի հետ կնքում է խաղաղության պայմանագիր, դիչելով պարսիկներին Հայաստանի մեծ մասը։ Զոսիմոսն այդ պայմանագիրը բնորոշում է իրեն «ամենամոթաբեր հաշտություն»<sup>3</sup>։

Զոնարասից և Եվագրիոսից նման եզրակացության չի կարելի հանգել։ Այդ մասին հարկ չէա երկրորդելու<sup>4</sup>։ Բայց ա՛ռ Զոսիմոսի վկայությունը. «Շատ ժամանակ անցնելուց հետո,—գրում է նա,—Գորգիանոսը պատերազմեց պարսից թագավորի դեմ և պատերազմի ընթացքում սպանվեց, սակայն նաև այս հաղթանակից հետո պարսիկները ոչ մի բան չգրավեցին հռոմեացիների հպատակության տակ եղողներից։ Բայց երբ Փիլիպոսն իշխանության գլուխ անցավ՝ նա պարսիկների հետ կնքեց ամենամոթաբեր հաշտություն»<sup>5</sup>։

<sup>1</sup> Ս. Ս. Երեմյան. Մեծ Հայքի թագավորության բաժանումը Սասանյան Իրանի և Հռոմեական կայսրության միջև (244—253 թթ.)—«Պատմա-բանասիրական հանդես» (ՊԲՀ), 1976, № 1, էջ 67։

<sup>2</sup> Տե՛ս «Հայ ժողովրդի պատմություն» (այսուհետև՝ ՀԺՊ), հ. II (բաժին Ա, գլ. 1—3, հեղինակ՝ Ս. Ս. Երեմյան), Երևան, 1984, էջ 21—80։

<sup>3</sup> Նույն տեղում, էջ 36։

<sup>4</sup> Տե՛ս Ա. Ա. Մարտիրոսյան. Սասանյանների արևմտյան նվաճումները և Հայաստանը.—ՊԲՀ, 1977, № 1, էջ 195—206։

<sup>5</sup> Zosimos, III, 32. 4. Տե՛ս 2. Մանանդյան. Քննական տեսություն հայ ժողովրդի պատմության. հ. Բ, Երևան, 1957, էջ 83։

ինչպես տեսնում ենք, խոսքը վերաբերում է միայն Հռոմի հպատակության տակ եղած երկրներին, և եթե կայսրը որևէ զինում արել է, որ դիտվում է ամենամոթարբեր, ապա միայն այդ երկրների հաշվին, իսկ Հայաստանը Հռոմի հպատակության տակ չէր:

Գրեթե միակ զրավոր աղբյուրը,—նկատում է Երեմյանը,—որ ժամանակով մոտ է այս դեպքերին, «Քաաբա ի Զարդաշտի» արձանագրությունն է՝ Այո, բայց այդ արձանագրությունն էլ ոչ մի հիմք չի տալիս: Արձանագրությունը փորագրված է Շապուհ I-ի կողմից 262 թ. և պատմում է նրա երեք մեծ հաղթանակների մասին. Միսիսեսի մոտ, Բարբալիսոսի տակ և խառանի ու Եդեսիայի միջև: խոսքն առաջին արշավանքի մասին է. «Ասորեստանի սահմանի վրա, Միսիսեսի մոտ մի մեծ ճակատամարտ տեղի ունեցավ,—ասված է արձանագրության մեջ,—Գորդանոս կայսրը սպանվեց: Հռոմեական ուժերը չարդվեցին, և հռոմեացիները Փիլիպոսին դարձրին կայսր: Ապա Փիլիպոսը եկավ մեզ մոտ հաշտություն խնդրելու և տվեց 5000 դինար փրկագին իր ընկերների կյանքի դիմաց և դարձավ մեզ հարկատու»:

Տերիտորիալ նվաճումների մասին ոչ մի խոսք: Եթե Հայաստանը կամ հռոմեական Միսիսեսի գրաված լիներ պարսիկներին, Շապուհը, որ անտեղի պարծանքով նշում է, թե Հռոմը իրեն հարկատու դարձավ, անշուշտ դա չէր մոռանա, ինչպես մյուս դեպքերում: Միսիսեսի հաղթանակով Շապուհը առանձնապես մեծ արդյունքի չի հասել:

Հայտնության պայմանագրի և նրա կիրառման խնդրին Ս. Տ. Երեմյանն անդրադառնում է մի քանի անգամ, և ոչ մեկը չի բռնում մյուսին: Հողվածում նա կարծիք է հայտնում, որ Հայաստանը նախապես նվաճված էր, և կայսրը միայն վավերացրեց այդ. «Ինչպես երևում է,—գրում է պատմաբանը,—Շապուհ I-ի զորքերը գրավել են Մեծ Հայքի թագավորության մեծ մասը, և Փիլիպոս Արաբը հարկադրված պիտի ճանաչեր ստեղծված իրադրությունը: ՀժՊ-ում, սակայն, նա գտնում է, որ Հայաստանը չէր նվաճված, և կայսրը պայմանագրով այն հանձնեց պարսիկներին: Մեկ պարբերություն հետո նույն ՀժՊ-ի հաջորդ էջում Ս. Տ. Երեմյանը գրում է, որ երբ Շապուհ I-ը զրադված էր Քուշանշահի թագավորության հնդկա-պարթևական մասի նվաճումով, «Խոսքով Մեծ-Տրդատ Բ-ն վերջին ճիգերն էր գործադրում նվաճողների լծից իր երկիրն ազատագրելու համար»:

Շապուհ I-ը Քուշանշահի գնաց 244 թ. հաշտության պայմանագրից հետո, իսկ Տրդատ II-ը գահազրկվեց 253 թ., նշանակում է այդ շրջանում Հայաստանը նվաճված էր, և Տրդատ II-ը վերջին ճիգերն էր գործադրում այն ազատագրելու: ՀժՊ-ի 36-րդ էջի համաձայն՝ 244 թ. պայմանագիրը մինչև 253 թ. մնացել էր թղթի վրա, և Մեծ Հայքի թագավորությունը պահպանվել էր նախկին վիճակում: Իսկ նույն ՀժՊ-ի 38-րդ էջում գրված է. «Փիլիպոս կայսեր մահվան նախօրյակին հայոց թագավորը, ըստ խորհնացու, կայսեր հրամանով ռազմական օգնություն է ուսացել հռոմեացիների դաշնակիցներից, որով և խախտվել է 244 թ. խաղաղության պայմանագիրը»:

Փիլիպոս Արաբը մեռել է 249 թ.: Ուրեմն խաղաղության պայմանագիրը թղթի վրա չի մնացել, այլ ուժի մեջ է եղել մինչև 249 թ., այսինքն՝ մինչև այդ Հայաստանը եղել է պարսիկների իշխանության տակ:

Վերջապես ի՞նչ է տեղի ունեցել. պայմանագրից առաջ երկիրը արդեն նվաճված էր, թե՛ պայմանագրով տրվեց պարսիկներին, Հայաստանի մասին պայմանագրի կետը կիրառվել է, թե՛ մնացել թղթի վրա, պայմանագիրը գործել է մինչև 249 թ., թե՛ 253 թ. հետո միայն:

Աղբյուրների վկայություններից պարզ երևում է սակայն, որ Հայաստանը չէր նվաճված Մասանյան Պարսկաստանի կողմից ո՛չ Փիլիպոս Արաբացու և ո՛չ էլ նրա հաջորդի՝ Գեկոսի ժամանակ (249—251): Նա իր անկախությունը պահպանել էր մինչև Գալուս կայսեր (251—253) ժամանակը<sup>11</sup>: Մենք այս քաղվածքը բերեցինք Մանանդյանից իբրև խնդրի ամփոփում, բայց, տարօրինակաբար, այս քաղվածքը բերել է նաև Ս. Տ. Երեմյանը և համաձայնել դրան:

<sup>6</sup> ՀժՊ, էջ 35:

<sup>7</sup> M. Sprengling. Third Century Iran, Sapor and Kartir. Chicago, 1953, p. 15

<sup>8</sup> ՊՐՀ, 1976, № 1, էջ 73:

<sup>9</sup> ՀժՊ, էջ 36:

<sup>10</sup> ՀժՊ, էջ 37:

<sup>11</sup> Մ. Մանանդյան. Նշվ. աշխ., էջ 84: Ս. Տ. Երեմյանը մի ուրիշ տեղ Մանանդյանից բերում է նույն քաղվածքը և մերժում այն (տե՛ս ՊՐՀ, 1966, № 2, էջ 62):

Միայն բաց է թողել առաջին արտադրությունը. «Աղբյուրների վկայություններից պարզ երևում է, թեև, թերևս որովհետև հենց այստեղ դա պարզ չի երևում»:

Իսկ ի՞նչ տեղի ունեցավ 253 թ. Կալստոս կայսեր ժամանակ և հետո: Անհրաժեշտ է այստեղ անդրադառնալ մի կարևոր խնդրի, որ և պայմանավորում է նետաճա իրադարձությունների ընթացքը:

Տրդատ II-ը ՀԺՊ-ում հանդես է դալիս որպես «Խոսրով Մեծ-Տիրան-Տրդատ Բ»<sup>12</sup> և չափազանց այդ անսովոր հորջորջումը: Պատմիչների մոտ կա անձնանունների որոշ անհամաձայնություն, հատկապես III—IV դդ. համար: Այսպես, III դարի առաջին կեսերի հայոց դատավայրի անունը Ջոնարասի մոտ Տրդատ է, իսկ հայ պատմագրության մեջ (Խորենացի, Ագաթանգեղոս)<sup>13</sup> Խոսրով: Բուդանդը պատմում է IV դարի կեսերին Տիրան թագավորի հետ առնչված մի իրադարձություն, որ վերաբերում է Տրդատ III-ին և այլն: Այդ հանգամանքը խանգարում է իրադարձությունների ընթացքը հիշտ որոշելուն, և պատմա-բանասիրության մեջ խնդրի լուծման տարբեր փորձեր են եղել:

1944 թ. Հ. Պերպերյանը նկատեց, որ Խոսրովը պարսից մոտ պատվանուն է, տիտղոս: Պարսկերեն Խոսրով նշանակում է «բարեհամբավ, հույակավոր, անվանի»<sup>14</sup>: 1947 թվականին է. Ուլիք-Օ՝անչանյանը «Տիրան-Տրդատի վնայը» ըստ Փավստոս Բուզանդի հոգովածում նկատում է, որ IV դարի Արշակունի գահակալ Տիրանը՝ Խոսրով Կոտակի որդին, միաժամանակ կոչվել է և Տրդատ՝ Տիրան-Տրդատ<sup>15</sup>, Այդպիսով Տրդատը հանդես է գալիս Լուսի անձնավորումով՝ Տիրան, Տրդատ, Խոսրով: Եվ Խոսրով-Տիրան-Տրդատ, միակցությամբ ստեղծվում է առաձգական մի շրջադիմ, որի մեջ կարելի է տեղակայել ցանկացած իրադարձություն և սյուժե: Եվ տեղակայվել է:

Ջոնարասը գրում է, որ Կալստոս կայսեր ժամանակ Հայաստանում տեղի է ունենում ինչ-որ խլրատում, Տրդատ թագավորը փախչում է, իսկ նրա որդիները հարում են պարսից<sup>16</sup>: Ագաթանգեղոսը և Խորենացին պատմում են, թե ինչպես դավադրաբար սպանվում է Խոսրով թագավորը, իսկ նրա մանկահասակ որդուն փախցնում են հունաց կողմերը<sup>17</sup>: Խորենացին գրում է մի Տիրան թագավորի մասին, որ զնաք Եկեղյաց գավառ և արքունիքը հաստատեց Չրմես ավանում<sup>18</sup>: ՀԺՊ բազմահատորյակում հյուսվում է մի սյուժե, որի կրողը այս երեք թագավորներն են, միակցված գծիկով՝ Խոսրով Մեծ-Տիրան-Տրդատ II, իսկ լեյտմոտիվը՝ Մեծ Հայքի բաժանումը Հռոմի և Պարսկաստանի միջև: Այսպես, 253 թ. Խոսրով Մեծ-Տիրան-Տրդատ II-ը փախչում է հունաց կողմերի նա հաստատվում է Չրմես ավանում և թագավորում Հայաստանի հռոմեական հատվածում մինչև 256 թ.: 256 թ. նրան դավադրաբար սպանում է Պարթև Անակը:

Բայց ի՞նչ ընդհանուր բան կա այս Խոսրով, Տիրան և Տրդատ թագավորների միջև:

Տրդատ II-ը իշխել է 216 թ. և զահից հրաժարեցվել 253 թ. ինչ-որ խարդավանքով, որին մասնակից էին նրա որդիները: Նա իր գահակալության ամբողջ ընթացքում անզիջում պայքարի մեջ էր Սասանյանների դեմ, որ վկայում են հայ և օտար աղբյուրները:

Տիրան թագավորը Արտաշեսի որդին էր և Արտավազդ շղթայակիր թագավորի եղբայրը, ուրեմն՝ շատ հեռու Սասանյան ժամանակներից, Լոր գործել է Տրդատ II-ը, «Սրա մասին ոչ մի բաշխման գործ չի պատմվում» (սՍորա ոչինչ պատմին գործք մեծամեծք),—գրում է Խորենացին,—նա խաղաղությամբ վարեց իր թագավորությունը քսան և մի տարի և մեծավ ճանապարհին՝ ձյան հյուսիսի տակ մնալով (սի հանդարտութեան վարեալ զթագաւորութիւնն ամա քսան և մի և մեծաւ ի ճանապարհի ձեան հիւսոյ կալեալ)<sup>19</sup>:

Խոսրով Մեծը Տրդատ III-ի հայրն է, նա պայքարում էր պարսից դեմ, սպանվեց իր եղբայրների կողմից, ինչպես վկայում է Եղիշեն, կամ՝ Պարթև Անակի, ինչպես վկայում է Ագաթանգեղոսը:

12 Հ. Պերպերյան. Որմիզդ-Արտաշիր մեծ արքա Հայաստանի.—«Զվարթնոց», II, 1944, էջ 167—173:

13 Հ. Անանյան. Հայոց անձնանունների բառարան. Բ, Երևան, 1944, էջ 529—530:

14 Ե. Ուլիք-Օ՝անչանյան. Տիրան-Տրդատի վնայը ըստ Փավստոս Բուզանդի.—ՉՍՍՀ ԳԱ «Տեղեկագիր» (հաս. գիտ.), 1947, № 6, էջ 60—63:

15 Zonaras. XII, 21 (ed. Dindorf. vol. III. Lipsiae, 1870, p. 137).

16 Ագաթանգեղոս, Հ, 26—36: Մովսես Խորենացի, Բ, հղ, հղ:

17 Մովսես Խորենացի, Բ, կր:

18 Նույն տեղում:

Այդպես, Տրդատ II-ը, որ անվերջ պայքարի մեջ էր պարսից դեմ և իր քաղաքական կյանքը ավարտեց որդիների խարդավանքով, միանձնավորվում է Տիրան թագավորի հետ, որ բեկեաց խաղաղութեամբ որոտցե զրոսանաց պարագեալ՝ ապրեց խաղաղության մեջ որսով և զրոսանքով տարված» ու մեռավ ձնաշյուսքից և խոսքով II-ի հետ, որ սպանվեց եղբոր կողմից և որի որդուն փախցրին հունաց կողմերը: Երեք անձինք և մի բնութիւն», — այստեղ կարելի է դա լրիվ շրջափոխել. բերեք բնութիւնք և մի անձն: Եվ այն գծիկով, որով միացվել են հայոց թագավորները, բաժանվել է հայոց թագավորությունը:

Քանի որ Տիրանը Տրդատն էր, ապա ուրեմն նա իր արքունիքը հաստատել է Չրմես ավանուն, նշանակում է Հայաստանը բաժանվել է երկու «ռեելյան» պարսկական և արևմտյան՝ հռոմեական մասերի: Տրդատը փախուստ տալով թագավորել է արևմտյան հատվածում: Իսկ բաժանման ակտը տեղի է ունեցել 244-ին, բայց իրականացել է 253-ին: Այդպիսով Մեծ Հայքի միասնական թագավորությունը առաջին անգամ դադարել է գոյություն ունենալուց ոչ թե 387 թ. այլ 244, մեկուկես հարյուրամյակից ավելի վաղ: Ահա թե ինչ է ստացվում խոսքով Մեծ-Տիրան-Տրդատ միությունից: Փորձենք ներկայացնել այդ խնդիրը. «Հայկական էպոսում ըստ երևույթի ե խոսքով» անունը դարձել է հոմանիշ «հայոց թագավոր» հասկացությանը, — գրում է Ս. Տ. Երեմյանը և նույն էջում «հայկական էպոս» արտահայտության փոխարեն գործածում «հայկական պատմական ավանդություն»<sup>19</sup>: Հայկական էպոսն ամենեին հարկ չկա նույնացնելու հայկական պատմական ավանդության հետ: Բայց խնդիրն այդ չէ: «Խոսքով» իրրե պատմական կամ հոմանիշ «հայոց թագավոր» հասկացությանը, Էրեք չի հնչել ո՛չ հայկական էպոսում և ո՛չ հայկական պատմական ավանդության մեջ: Այն, ուղղակի, հաճախ հանդիպող անուն է հայ Արշակունյաց արքայացանկում և հատուկ ու ընտանի հենց հայ Արշակունիներին:

Աքեմենյան, ինչպես և Արշակունյան դինաստիայում խոսքով արքա չի նշված, միայն, երբ Արշակունիները մոտենում էին իրենց վերջնագծին, գահին երևաց մի խոսքով, որ գործել է II դարի սկզբներին, Տրայանոս կայսեր ժամանակներում: Դժվար է ասել, Աքեմենյանների, ինչպես և Արշակունիների օրոք խոսքով հնչե՞լ է որպես պատմական կամ տիտղոս: Որն է տվյալ չկա, բայց պարզ է, որ բառիմաստը գիտակցվել է իրրե ածական և դեռ անձնանվան չի վերածվել: Սասանյանների մոտ, սակայն, կարելի է ասել, որ հենց սկզբից խոսքով տիտղոս է: Այդ է վկայում Քաաբա ի Զարդուշտի պատերին փորագրված Շապուհի արձանագրությունը, և նրանք նույնպես մինչև դինաստիայի վերջնագիծը խոսքով անձնանուն չունեն: Երեք դար հետո միայն Սասանյան գահին բազմել են խոսքովներ՝ խոսքով I (531—579), խոսքով II (591—628) և խոսքով III (630—632):

Ինչպես տեսնում ենք, պարսից Արշակունիների և Սասանյանների մոտ խոսքով անունը է տիտղոսը երեք շեն զուգամիտվում իրար: Երկու դեպքում էլ այն նախապես պատմական է, տիտղոս, ապա վերաճում է անվան: Եվ դա բնական է: Միևնույն բառը նույն միջավայրում միաժամանակ չի կարող կիրառվել և՛ իրրե անուն և՛ իրրե տիտղոս: Երևանա կամ Բագավոր անունները հաճախ կարելի է տեսնել հայ անվանացանկում, բայց իշխան կամ Թագավոր իրրե անուն կարող են տալ նրանց, ովքեր իշխան կամ թագավոր չեն: Այլապես կառաջացնեն անպատեհություն: Ինչպե՞ս կոչել իշխանին իշխան, երբ նա ինքնին իշխան է: Բագավորին՝ Բագավոր, երբ նա արդեն թագավոր է: Եվ երբ Սասանյան արքայացանկի մեջ երևան եկավ խոսքով անունը, այն դադարեց տիտղոս լինելուց:

Հայ Արշակունիների կողմից խոսքով անվան կիրառումը համընկնում է առաջին Սասանյանների շրջանին, որոնց մոտ խոսքովը տիտղոս է: Այդ զուգահեռականությունն է տեղիք տվել Ս. Տ. Երեմյանին սահմանելու՝ խոսքովը ոչ միայն անուն է, այլև՝ տիտղոս, որը ճիշտ չէ: Սասանյանները նոր էին բարձրացել իշխանություն: Նրանք Արշակունիներին դուրս վանեցին քաղաքական պատմությունից և բերում էին իրենց ավանդույթը, որը կարող էր չկապվել Արշակունիների հետ, իսկ հայ գահակալներն իրենք Արշակունի էին և նրանց հետ կրում էին միևնույն ավանդույթը: խոսքովը Սասանյան ավանդույթով տիտղոս էր, Արշակունյաց ավանդույթով՝ անուն, այսինքն՝ մի տեղ անուն է, մի այլ տեղ տիտղոս: Մենք տեսանք, որ պարսից Արշակունիների արքայացանկում II դարի սկզբին նշված է խոսքով արքա, և խոսքով իրրե անուն շարունակեց արտահայտվել հայ Արշակունիների մոտ և III դարում դարձավ ընդհանուր ու ընտանի:

Քերե քաղաքում գտնվել է մի հունարեն արձանագրություն, որ կարդացվում է. «Խոսարով հայ, տեսնալ զարմացալ»<sup>20</sup> Արձանագրությունը թվագրվում է II—III դդ. և ենթադրվում է, որ դա Խոսարով I-ն է<sup>21</sup>։ Բայց ինչ էլ լինի՝ «Խոսարով» այստեղ անձնանուն է, Խոսարով I-ի գահակալությունը թվագրվում է 198-ից մինչև 216, նրա մասին հաղորդում է Խորենացին, և դա ո՛ր «հայկական պատմական ավանդություն» է և ո՛չ «հայկական էպոս», Խորենացին իր տրվածայնները բաղում է Փիրմելիանոսից ու Բարզաձանից և նկատենք, որ այդ Խոսարովի մասին պատմում է բուրբուկին անկախ, առանց շփոթելու ավելի ուշ գահակալած Խոսարով II-ի (կամ Խոսարով Մեծի) հետ։ Տրդատ II-ր Խոսարով I-ի որդին է և ինքը Տրդատ լինելով՝ միաժամանակ Խոսարով լինել չէր կարող։

Առաջնահերթոր հիշում է Տրդատ III-ի քրոջը՝ Խոսարովի դուստր Դա ցույց է տալիս, որ Տրդատ III-ի հալածի իսկապես եղել է Խոսարովը և ոչ Տրդատ II-ը, եվ, վերջապես, Տրդատ III-ի որդին նույնպես կոչվում է Խոսարով, Կոտակ մականունով։ Այնպես որ այն վարկածը, թե Խոսարովը հայկական միջավայրում հնչել է իբրև տիտղոս կամ դարձել նոմանիշ հայոց քաղաքացիականացույցների, չի կարող ճիշտ լինել։

Իսկ Տիրանը։

Եղիշեն իր պատմության առաջին եղանակն սկսում է այսպես. «Քանզի ի րառնալ ազգին Արշակունեաց տիրեցին աշխարհին Հայոց ազգն Սասանայ պարսկի, որ վարէր զիւր իշխանութիւնն օրինօր մոգուց, և բաղում անդամ մարտնչէր ընդ այնոսիկ՝ որ ոչ ընդ նովին օրինօք մտանէին, սկիզբն արարեալ յամացն Արշակայ արքայի որդւոյն Տիրանայ և կոռէր մինչև յամն վեցերորդ Արտաշեսի արքայի հայոց, որդւոյն Վոամշապուհոյ»<sup>22</sup>։ Եղիշեն նշում է Սասանյանների հալածանքների շրջանը Տիրանի որդի Արշակից մինչև Վոամշապուհի որդի Արտաշեսի վեցերորդ տարին։

Բնագրի այս հատվածում որոշ ձեռագրեր ունեն «յամացն Արշակայ արքայի որդւոյն Տիրանայ Տրդատայ» ընթերցումը։ Ահա այս ընթերցման վրա է հենված Տրդատի հետ Տիրանի նույնացման վարկածը։ Բայց նույն տողն ունի և մի ուրիշ ընթերցում՝ «Տիրանայ թոռնորդույ Տրդատայ» ինչ. «Տիրանայ» կամ «Տիրանայ-Տրդատայ»։ Այստեղից է գալիս ամեն ինչ, նախասկզբնական ձևն այնպես է, ինչպես բնագրում՝ «յամացն Արշակայ արքայի որդւոյն Տիրանայ»։ Հետագայում գրիչներից մեկը փորձել է Արշակի ծագումը խորացնել, հասցնելով մինչև Տրդատ III՝ հայ քրիստոնյա առաջին թագավորը, և Արշակը իսկապես Տրդատ III-ի թոռնորդին է։ Հետագայում մի որևէ ձեռագրում «թոռնորդին» սղվել է և ստացվել «Տիրանայ-Տրդատայ»։

Բայց և առհասարակ անմտածելի է Տիրան-Տրդատ զուգորդումը։ Եթե խոսքը վերաբերում է Արշակ II-ի հորը, որին կուրացրեց Շապուհ արքան, ապա նրա համար Տիրան-Տրդատ կապակցության մեջ պետք է բնորոշել, որ տիտղոսը Տրդատն է, քանի որ և՛ Խորենացին, և՛ Փավստոս Բուզանդը Արշակի հորը Տիրան գիտեն։ Իսկ Խոսարով-Տրդատ կապակցության մեջ տիտղոսը իր զիտվում Խոսարովը։ Ուրեմն և՛ «Տրդատը», և՛ «Խոսարովը» տիտղոս են։ Ստացվում է, որ Տրդատ II-ր է։ Տրդատ III-ը անուն չունեն, այլ միայն տիտղոս։ Տիրան և Տրդատ անունները ծագում են մեկ արմատից՝ Տիր և միանշանակ են։ Նկատի ունի Տիր աստվածությունը և պարզ է երանց սևամատիկան։ Այդ դեպքում անիմաստ էր նրանց դնել իրար կողքի և նշանակել մեկ անանավորություն։

Համաձայն Բուզանդի Տրդատ III-ի եղբայրը կոչվում էր Տիրան։ Ուրեմն երկու եղբայրները Տիրան են կոչվել։ Բայց դա անմտածելի է։ Անունները դրվում են մարդկանց տարբերակելու համար։ Ինչպե՞ս պիտի տարբերակվեն նույնանուն եղբայրները։ Տիրան թագավորի որդիներից մեկը կոչվել է Տրդատ։ Եթե Տիրանը Տրդատ է, ապա իր մականունը տվել է որդուն որպես անուն, որ նույնպես անմտածելի է։ Վերջապես նկատենք, որ Տիրան-Տրդատ զուգորդումը ծագել է Տրդատ III-ի և նրա թոռան՝ Տիրանի հետ կապված, իսկ ՀԺՊ-ում այն փոխադրվել է Տրդատ II-ին և նրանից երկու դար առաջ ապրած մի Տիրան թագավորի, որին Խորենացին ներկայացնում է Արտաշեսի որդին և Արտավազդի եղբայրը։

Այդպես, մի վարկած, որ ոչ մի հիմք չունի, հայ ժողովրդի պատմության բազմաՀատորյալում հիմք է դարձել III դարի պատմական իրադարձությունները և քաղաքական պատկերը

<sup>20</sup> Ղ. Ալիշան. Հայապատում, էջ 188։

<sup>21</sup> Հ. Մանանդյան. Նշվ. աշխ., էջ 58։

<sup>22</sup> Եղիշի վասն Վարդանայ .և. Հայոց պատերազմին. Երևան, 1957, էջ 6։

ներկայացնելու համար<sup>23</sup>։ Տիրան և խոսքով պատմական անունների այս վերագրումը Տրդատ II-ին եղևում է այն նախադրյալից, որ ազգային հիշողության մեջ դրանք տրոհվել են՝ և ապա-  
նովել անկախ գոյություն։ Բայց բոլորովին հակառակը, ազգային հիշողության մեջ տեղի է  
ունեցել արքայանունների միավորում։ III դարի մեջ պատմությունը գրանցում է շուրջ թագավոր,  
որոնք հաջորդաբար կրում են խոսքով և Տրդատ անունները։ Խոսքով I, Տրդատ II, խոսքով II,  
Տրդատ III, խոսքով I-ը իր գահակալումն ավարտում է 216 թ., իսկ Տրդատ III-ը՝ 330։ Այս ամ-  
բողջ ընթացքում հայ պատմական ավանդությունը գիտի մեկ խոսքով և մեկ Տրդատ՝ խոսքով  
Մեծ և Տրդատ Մեծ։ Տրդատ III-ը 27-ամյա ընդմիջումից հետո վերականգնեց Արշակունիների  
դինաստիան և քրիստոնեությունը հայտարարեց պետական կրոն։ Սերունդների համար դա  
նշանակալից էր, և մոռացման տրվեց նրա անվանակիցը՝ Տրդատ II-ը և ձուլվեց նրան, իսկ  
Տրդատի հայրը՝ խոսքով II-ը, որի հետ Տրդատի ծննդի և լուսավորչի ծագման զրույցն է կապ-  
ված, մթազնեց խոսքով I-ի կերպարը և ստանձնեց միակ խոսքովի դեր։ Այդպիսի անձնավորում-  
ները ժողովրդական հիշողության համար բնական են։ Սասանյան դինաստիայի հիմնադիր  
Նրաշիր I-ին հաջորդում է Շապուհ I-ը, ապա՝ Որմիզդ-Արտաշիրը, բայց հայ պատմական  
ավանդույթը գիտե միայն Արտաշիր I, մեկ Արտաշիր։ Շապուհ II-ի կամ երկարակյացի ազ-  
դեցությունը նրա թոռը՝ Շապուհ III-ը դուրս է ընկնում պարսից արքայացանկից և տրվում մո-  
ռացության։ Բանավոր հիշողությունը նույն անունները փոքր ընդմիջմամբ երկար չի կարող  
պահպանել։ Դրանք ձուլվում են, և արքայացանկերը, եթե հենվում են ավանդույթի վրա, ար-  
տաշատում են նրա մոռացկոտությունը։ Պատմագիտության մեջ շանքեր են դրվել ուղղելու և  
հստակելու այդ մոռացումը, իսկ «Հայ ժողովրդի պատմության» բազմահատորյակի III դարի  
բաժնում (հատոր II) մոռացության են տրվել այդ շանքերը։

Վերագրանալու բանաբանությունը։

Ստեղծելով Հայաստանի բաժանման իրավիճակ, փորձ է արվում որոշելու և նրա սահման-  
ները։ «Տիգրանակերտի հունարեն արձանագրություններից երևում է, — գրում է Ս. Տ. Նրեմյա-  
նը, — որ Տիգրանակերտ և Նեկրան քաղաքները գտնվել են հռոմեական Հայաստանում՝ բաժան-  
ման սահմանագծից ոչ հեռու։ Մի այլ տեղեկություն է հաղորդում Փավստոս Բուզանդը։ Ոսխա  
գյուղը, որտեղ 297 թ. տեղի ունեցավ ճակատամարտը՝ հռոմեա-հայկական ուժերի և պարսիկ-  
ների միջև, գտնվում էր Բասեն գավառում, որը պարսկական Հայաստանում էր և սահմանա-  
կից էր հռոմեական Հայաստանին»։ Եվ նա եզրակացնում է. «Ըստ այսմ հռոմեացիների ձեռքում  
էր Մոփըր և նախկին Փոքր Հայքի հիմնական մասը կազմող Բարձր Հայքի նահանգը։ Հայաս-  
տանի մնացած մասն ըստ պայմանագրի գիշվում էր Սասանյաններին»<sup>24</sup>։

Այդ փաստարկները տեղին չեն և հիմք չեն տալիս նման սահմաններ գծելու։

Տիգրանակերտի հունարեն արձանագրություններից (և ոչ թե արձանագրություններից) ինչ-  
պե՛ս է երևում, որ Տիգրանակերտ և Նեկրան քաղաքները գտնվել են բաժանման սահմանագծից  
ոչ հեռու, հռոմեական Հայաստանում<sup>25</sup>։ Արձանագրության բովանդակությունից այդպիսի եզ-  
րակացության անկարելի է գալ։ Բայց եթե Տիգրանակերտը և Նեկրանը գտնվել են բաժանման  
սահմանագծից ոչ հեռու, նշանակում է հայտնի է բաժանման սահմանագիծը, և դրանով որոշ-  
վում է Տիգրանակերտի և Նեկրանի տեղագրությունը և ոչ թե բաժանման սահմանագիծը։ Ան-  
հայտով է որոշվում հայտնին։

Ծրկորող փաստարկը նույն բնույթն ունի։ Այո, Բուզանդը հաղորդում է, որ Ոսխա գյուղը,  
որտեղ տեղի է ունեցել 287 թ. ճակատամարտը, գտնվում էր Բասեն գավառում, բայց դա բա-  
ժանման սահմանները որոշելու հետ ի՞նչ կապ ունի։ Ասենք թե ճակատամարտը տեղի է ունե-  
ցել ոչ թե Բասենում, այլ Արճեշում, ի՞նչ է փոխվում դրանից։ Բայց նախադասությունը շա-  
րունակվում է. «...որ պարսկական Հայաստանում էր և սահմանակից էր հռոմեական Հայաս-  
տանին»։ Դա այլ խնդիր է։ Բայց Բուզանդը նման բան չի ասում, նա միայն տեղեկացնում է,  
որ ճակատամարտը տեղի է ունեցել Բասեն գավառում և ուրիշ ոչինչ։ Եթե հեղինակը ուզում է  
առել, թե Բուզանդն է վկայում, որ Բասեն գավառը գտնվում էր պարսկական Հայաստանում  
և սահմանակից էր հռոմեական Հայաստանին, ապա այստեղ մենք գործ ունենք անթույլատրելի

<sup>23</sup> Բայց այդ ամենից անկախ Տիրանի ջրմեսում բնակվելու փաստը ոչինչ չի ասում  
խորհնացին չի վկայում Տիրանի ժամանակ Հայաստանի բաժանման մասին, երբ էլ որ նա գա-  
հակալած լինի և որտեղ էլ լինի նրա արքայությունը։

<sup>24</sup> ՀԺՊ, էջ 386։

<sup>25</sup> C. F. Lehmann-Haupt. Armenien einst und jetzt, Berlin, 1910, S. 11—419.

արարքի հետ: Պատմիչի անունով շրջանառության մեջ է դրվում կեղծ փաստ: Բայց դրանից անկախ, եթե Բասեն գավառը չգտնվում է պարսկական Հայաստանում և սահմանակից է հռոմեական Հայաստանին, նշանակում է պարզ են պարսկական և հռոմեական Հայաստանների սահմանները և դրանով որոշվում է Բասեն գավառի տեղագրությունը: Դարձյալ նշանին որոշվեց անհայտով:

Այս երկու փաստարկները արտահայտում են որոշակի մեթոդ և ներքին մեխանիզմ: Տիգրանակերտ, նեկրան, 287 թ. ճակատամարտ, Բասեն գավառ, հունարեն արձանագրություն, Փամպոս Բուզանդ, — առաջացնում են մի տեսակ փաստագրական տրամադրություն և իրացվում է հորինվածքով:

Պատմարանը երկրորդ անգամ է անդրադառնում արևմտյան և արևելյան Հայաստանի սահմանագծի խնդրին և ավելացնում մի մանրամասնություն. «Իբրև ձեռնական աշխարհ թագաւորին Հայոց» հռոմեական Հայաստանի կազմի մեջ պետք է մտնե՞ր նաև Միջագետքի Գիմաթենն գավառը՝ վաղարշակուպոլիս կենտրոնով<sup>26</sup>, Ինչո՞ւ պետք է Գիմաթենն գավառը մտնե՞ր հռոմեական Հայաստանի կազմի մեջ, — դժվար է հասկանալ, իբրև ձեռնական աշխարհ թագաւորին հայոց, բայց նա այդպես կարող էր մտնել և պարսկական Հայաստանի կազմի մեջ: Նախագատությունը ծանոթագրված է, կարդում ես, հուսալով, որ այնտեղ որևէ լրացուցիչ տվյալ կա: Իսկ ես դանդաղ, որևէ աղբյուր, որի հիման վրա հեղինակը հանգել է այդպիսի եզրակացություն: Բայց ծանոթագրության մեջ գրված է. «Գավառը հայտնի էր իր շերմուկներով, ուստի հայերը միշտն դարձնում այն կոչում էին Ջերմուկ (այժմյան Զիրմիկ): Այն գտնվում էր Ամիդ-Գիար-րեքիթից արևմուտք»<sup>27</sup>, Ինչո՞ւ համար է այդ ծանոթագրությունը, ի՞նչ գավառը հայտնի էր իր շերմուկներով, դա որևէ ձևով ապացուցում է, որ այն պատկանում էր հռոմեական Հայաստանին:

Բերենք փաստերի խեղճան և փաստի ու հետևության անհամաձայնության ևս մի օրինակ. «Անակի: Հայաստան գալու ժամանակը ճշտիվ որոշում է խորհնացին: Նա գրում է. «Անակի Հայաստան գալուց երկու տարի անցած՝ երրորդում սպանում է խոսրովին»<sup>28</sup>, Երբ խորհնացին հայտնի է, թե Անակը Հայաստան գալուց երկու տարի հետո սպանում է խոսրովին, դժվար է հետևանք, ինչպես է նա գրանով ճշտիվ որոշում Անակի Հայաստան գալու ժամանակը: Այստեղ միայն ասված է, որ Անակը Հայաստան գալուց երկու տարի հետո սպանում է խոսրովին, այսինքն պարզ է Անակի Հայաստանում լինելու ժամանակը, և ոչ թե գալու<sup>29</sup>: Բայց բերելով այդ րտղվածքը հեղինակը եզրակացնում է. «Ուրեմն Անակը Հայաստան էր եկել այն ժամանակ, երբ Հռոմը ճանաչեց Մեծ Հայքի թագավորության բաժանումը երկու աշխարհակալությունների միջև: Ե հետևում Մեծ» Տրդատ Բ-ն անցել էր իր արքունիքով հռոմեական Հայաստան, այսինքն 253 թ.<sup>30</sup>, Ուղղակի մնում ես զարմացած, մի՞թե կարելի է այդպիսի եզրակացություն անել, երբ խորհնացին ընդամենը ասել է, թե Անակը Հայաստան գալուց երկու տարի հետո, երրորդում սպանում է խոսրովին:

Այլ եզրակացության մեջ երկու կետ կա. Անակը Հայաստան է եկել 253 թ., երբ Հռոմը ճանաչել է Մեծ Հայքի բաժանումը երկու աշխարհակալությունների միջև (ա), խոսրով Մեծ-Տրդատ II-ր իր արքունիքով անցել էր հռոմեական Հայաստան (բ): Երկրորդ կետի մասին մենք արդեն խոսել ենք, թե ինչպես Տիրան-Տրդատ հորինվածքով նա Տրդատին տեղափոխում է Չրմես: Իսկ ինչ վերաբերում է առաջին կետին, ապա չկա այնպիսի փաստ կամ թեկուզ մոտավոր տվյալ, որից երևար, թե Հռոմը ճանաչեց Մեծ Հայքի բաժանումը 253 թ.: Եթե 253 թ., ուրեմն Գալլուս կայսեր ժամանակ: Մի այլ անգամ նա ուղղակի գրում է. «Գալլուս կայսրը ճանաչել էր Հայաստանի բաժանումը երկու մասի»<sup>31</sup>: Աղբյուրն ասում է. «Սրա ժամանակ (Գալլուսի—Ա. Մ.) պարսիկները սկսեցին աշխուժանալ, որ եկան գրավեցին Հայաստանը, որտեղից

<sup>26</sup> ՀժՊ, Էջ 43:

<sup>27</sup> ՀժՊ, էջ 46:

<sup>28</sup> ՀժՊ, էջ 44:

<sup>29</sup> Ըստ Աղաթանգեղոսի Անակը Հայաստան է եկել ձմեռը, և դարեան սկզբին, ձնհալի ժամանակ սպանել է խոսրովին, այսինքն մի ձմեռ հյուրընկալվելուց հետո միայն և ոչ թե երրորդ տարում (Աղաթանգեղոս, Բ, 28—33):

<sup>30</sup> ՀժՊ, էջ 44:

<sup>31</sup> ՀժՊ, էջ 44:

Տրդատ արքան փախավ, իսկ նրա որդիները անցան պարսից կողմը»<sup>32</sup>։ Այս վկայությունը նկատի ունի Ս. Տ. Երեմյանը Բայց ալստեղից կարելի է էբրականցնել, որ հայոց թագավոր Տրդատի և նրա որդիների միջև ինչ-որ հակասություն է եղել, որ պարսիկները խարդավանքով գրավել են Հայաստանը, բայց ոչ երբեք՝ որ Հայաստանը բաժանվել է երկու մասի և Գալլոս կայսրը ճանաչել է Հայաստանի բաժանումը։ Այստեղ էլ մենք վկա ենք փաստի և հետևության զարմանալի անհամաձայնության։

Վերադառնանք խոսքովի սպանության հանգամանքներին։

Ինչպես տեսանք Ս. Տ. Երեմյանը գտնում է, որ Անակը Հայաստան է եկել այն ժամանակ, երբ Մեծ Հայքը բաժանվել էր երկու մասի, և խոսքովի արքունիքը տեղափոխել էր հռոմեական Հայաստան, Չրմես ավանը։ Ուրեմն այնտեղ է Անակը հանդիպել խոսքովի և կատարել իր սև գործը։ Բայց տեսնենք, թե ինչ են ասում աղբյուրները՝ Ագաթանգեղոսը և Խոռենացին։

Ագաթանգեղոսը գրում է, թե Անակը իբր «սպաստամբեալ իցէ յարթայէն պարսից», զալիս է խոսքով թագավորի մոտ՝ Ուտիք։ «Եկալ յանդիման եղև թագաւորին խոսքովու յՈւտի դաւադի, ի Խաղխաղ քաղաքի, ի ձմերոց արքայութեանն Հայոց»<sup>33</sup>։ Նրանք միասին են անցկացնում ձմեռը և զարնան սկզբին գնում մայրաքաղաք։ «Եկին իշին յԱյրարատ գաւառ, ի Վաղարշապատ քաղաք»։ Ահա ալստեղ, զրոսանքի ժամանակ Անակը իր եղբոր հետ սպանում է խոսքովին։ Նախարարները հետապնդում են նրան և Տափերական կամրջից գետը նետում<sup>34</sup>։

Խորենացին մի փոքր այլ կերպ է պատմում, բայց նույն աշխարհագրական միջավայրն է։ «Լուեալ մեծին խոսքովայ յՈւտեացոց գաւառին իբր զԿարենեանցն կարծեցեալ եկաւորութիւն՝ գունդ առաքէ յօգնականութիւն Անակայ։ Որոց պատահալ Անակայ՝ ածեն զնա հրամանաւ թագաւորին ի գաւառն, որ անուանեալ կոչի Արտազ»<sup>35</sup>։ Եթե աղբյուրներն այսքան հստակ տեղեկություններ են հաղորդում Անակի Հայաստան գալու, խոսքովի սպանության հանգամանքների մասին, ինչպե՞ս է հնարավոր գրել, թե Անակը Հայաստան է եկել այն ժամանակ, երբ Մեծ Հայքը բաժանվել էր երկու մասի, և խոսքովին իր արքունիքը տեղափոխել էր հռոմեական Հայաստան, Չրմես ավանը, ուր և նրան հանդիպել է Անակը, և այս ամենի համար վկայարարել խորենացուն։ Թվում է, թե նման պայմաններում ավելի հեշտ էր Չրմես ավանը կամ Եկեղյաց գավառը տեղափոխել Ուտիք կամ Արարատյան դաշտ։

Պատմիչների այս տվյալները նորից վկայում են, թե որքան անիմաստ է այդ ժամանակի համար Հայաստանի բաժանման վարկածը։ Խոսքովի իր կյանքն ավարտել է Վաղարշապատում իբրև Մեծ Հայքի թագավոր, և նա Տիրան չէ և ոչ Տրդատ II։

Քանի որ խոսքը վերաբերում է Հայաստանի բաժանմանը և դրա փաստարկումներին, բերենք մի օրինակ ևս։ «Ըստ Ագաթանգեղոսի,— գրում է պատմաբանը,— հռոմեական Հայաստանը դիտվում էր իբրև «դաստակերտ կայսերաց»<sup>36</sup>։

Կամ՝ «Քանի որ Հայաստանի Հռոմին անցած մասը կայսրության վարչական բաժանման համակարգի մեջ էր, ուստի Ագաթանգեղոսն այն համարում էր «դաստակերտ կայսերաց»<sup>37</sup>։

Ուրեմն Ագաթանգեղոսը գիտի բաժանման իրողությունը և նշել է, թե այդ ստատուսը կամ իրավիճակը հռոմեական կողմի համար ինչ տերմինով է արտահայտվում՝ «դաստակերտ կայսերաց»։

<sup>32</sup> Zonaras, XII, 21.

<sup>33</sup> Ագաթանգեղոս, Բ, 29.

<sup>34</sup> «Իսկ իբրև զայն գիտացին նախարարք հայակոյտ զօրացն՝ գունդ-գունդ հատանէին, զկնի լինէին, ոմանք ընդ ցամաքն աճապարեալ, հառանել ի խելս կամրջացն առ դրունս Արտաշատ քաղաքի։ Զի գետն Երասխ յարուցեալ զայր լի դարիւ և դարիւ, սառնահալ, ջրակուտակ, ձիւնասոյզ, ձիւնախաղաղ բազմութեամբն յաւուրս իւրոյ պղտորութեանն։ Կէսքն անցեալ ընդ կամուրջն Վաղարշապատ քաղաքի, զոր և կամուրջ Մեծամերի կոչեն՝ աճապարէին հասանել յառաջ մի ի խելս կամրջին Արտաշատու։ Ի կիրճն ճանապարհացն արգելին զնոսա, ի մէջ արարեալ զնոսա՝ ի Տափերական կամրջացն քէտավէժ առնէին զնոսա» (Ագաթանգեղոս, Բ, 33)։

<sup>35</sup> Խորենացի, Բ, հգ.

<sup>36</sup> ՀԺՊ, էջ 36.

<sup>37</sup> ՀԺՊ, էջ 43.

Բայց դիմենք աղբյուրին: Ազաթանգեղոսը պատմում է, թե ինչպես Մեծ Հայքի թագավոր Շրդատը իր բանակով դայիս է նկեղյաց գավառ, որպեսզի զո՛ւ մատուցեն Անա՛խտ աստվածուհուն. «Յառաջին ամիս Շրդատայ արքայութեանն Հայոց Մեծաց խաղացին եկին հասին յնկեղեաց դաւառ ի գեղն երիզայ ի մեհանն Անա՛տական, զի անդ զո՛ւ մատուցեն»<sup>38</sup>, Այդտեղ Գրիգոր Պարթևը հրաժարվում է զոհաբերությունից, որի պատճառով Շրդատը պատժում է նրան, հրամայում է տանել Արտաշատ և գցել հորվիրապ. «Հրաման տայր... խաղացուցանել գնա յԱրարատ գաւառ և տալ զնա ի զղեակ բերդին Արտաշատ քաղաքի և իշուցանել ի վիրապէն ներքին»<sup>39</sup>, Իսկ Շրդատը վերադառնում է Վաղարշապատ. «Եւ ինքն իսկ թագաւորն խաղայր գնայր ի ձմերոց յԱրարատ գաւառ, ի Վաղարշապատ քաղաք, ի Հայոց աշխարհ յարեւելս»<sup>40</sup>, Շրդատի երթուղու մի ծայրում նկեղյաց գավառն է, Երիզա գյուղը, իսկ հենց այդտեղ է գտնվում Չրմեա ավանը, Երիզայից ոչ հեռու, մյուս ծայրում՝ Արարատ գավառն է, Վաղարշապատ քաղաքը: Շրդատը գնացել էր Արշակունյաց տոհմական սրբավայրը զո՛ւ մատուցելու և վերադարձել իր նստավայրը՝ Վաղարշապատ: Դա ամբողջություն է՝ Մեծ Հայք և հրդատը՝ Մեծ Հայքի թագավոր՝ Բարթայ Հայոց Մեծաց»:

Ինչպես տեսնում ենք Ազաթանգեղոսը բաժանված Հայաստան չգիտի, և այս փաստը բավական է, որպեսզի կանխվեր Մեծ Հայքի բաժանման՝ արեւելյան՝ պարսկական և արեւմտյան՝ հռոմեական Հայաստանների վարկածը, բայց զարմանալիորեն այստեղ էլ առիթ է գտնվել այդ վարկածը սնուցելու:

Շրդատը, Անա՛խտի սրբավայրից վերադառնալուց անմիջապես հետո, Գրիգոր Պարթևի արարքից վրդովված, հրովարտակ է արձակում և պահանջում հավատարիմ մնալ հին ու հայրենի աստվածներին: «Շրդատ արքայ Հայոց Մեծաց, առ մեծամեծս և առ իշխանս... Ողջոյն հասնալ է շինութիւն գիցն օգնականութեամբ, լիութիւն պարարտութեան յարոյն Արամազդայ, խնամակալութիւն յԱնա՛խտ տիկնոջ և քաջութիւն հասցէ ձեզ ի քաջէն Վահագնէ ամենայն Հայոց աշխարհիս, իմաստութիւն Յունաց հասցէ դաստակերտիդ կայսերաց, և ի մեր դիւցախառն Պարթևաց հասցէ այցելութիւն, ի փառաց թագաւորաց և ի քաջ նախնեաց»<sup>41</sup>: Այս կապակցութեամբ մեջ է դրաստականորեն կայսերաց» արտահայտությունը, որին պատմաբանը հատուկ շեշտադրություն է հաղորդել: Բայց այստեղ դա արքայի կողմից հարգանքի տուրք է Հռոմին, որի օգնությամբ նա դա՛ր բարձրացավ կամ, թերևս, արտահայտում է կախվածություն, բայց ոչ մի դեպքում ցույց չի տալիս բաժանման իրավիճակ:

Ս. Երեմյանի կողմից դահակալների և իրադարձությունների տարիները ոչ թե արտածվում են, այլ ուղղակի հարմարեցվում բաժանմանը, և ստացվում է թվագրական շփոթ: Այսպես, հորենացին Սասանյանների տիրապետությունը Հայաստանում կոչում է «ժամանակս անիշխանութեան» և հաշվում 27 տարի<sup>42</sup>: Ս. Երեմյանը իր հոդվածում համարում է 50 և վերադրում հորենացուն. «Այս մոտ 50 տարվա (237—287) ժամանակաշրջանը,—գրում է նա,—Մովսես Խորենացին դիտում է իբրև «ժամանակս անիշխանութեան»<sup>43</sup>, իսկ ՀԺՊ-ի մեջ նույն «ժամանակս անիշխանութեան» նա հաշվում է 32 տարի, այս անգամ նշելով նաև Խորենացու թիվը, բայց ոչ թե 27, այլ՝ 2644:

Ինչպե՞ս ստացվեց մեկ տարվա այդ վրիպումը: Խորենացին Արտաշիր Սասանյանի մասին գրում է. «Եւ կայաւ զաշխարհս մեր որպէս զմի յաշխարհացն իւրոց պարսիկ գործակալսք, ամս բաւս և վեց, և յետ նորա որդի նորին, որ անուանեցան Շապուհ, որ լսի Արքայամանուկ, ցթաղաւորելն Շրդատայ ամ միս»<sup>45</sup>, Քսանվեց տարի կառավարել է Արտաշիր Սասանյանը իր գործակալներով և նրանից հետո մեկ տարի՝ նրա որդին, մինչև Շրդատի թագավորելը Անիշխա-

<sup>38</sup> Ազաթանգեղոս, Լ, 48:

<sup>39</sup> Ազաթանգեղոս, ԺԱ, 122:

<sup>40</sup> Նույն տեղում:

<sup>41</sup> Ազաթանգեղոս, ԺԲ, 126—127:

<sup>42</sup> Խորենացու տվյալը պատմականորեն ճիշտ է և հաստատվում է այլ աղբյուրներով, հատկապես ՏՌՀ՝ արձանագրությամբ (տե՛ս Ա. Մարտիրոսյան. Հայաստանը և առաջին Սասանյանները.—ՊՔԶ, 1975, № 3, էջ 154—156:

<sup>43</sup> ՊՔԶ, 1966, № 2, էջ 60:

<sup>44</sup> Առաջին դեպքում Անիշխանության շրջանը Ս. Երեմյանը տեղադրում է 237—287 թթ. միջև, երկրորդ դեպքում՝ 261—293 և երկու դեպքում էլ ՀԺԶ: շէ:

<sup>45</sup> Մովսես Խորենացի, Բ, հէ:

նության շրջանը ստացվում է 27: Պատմաբանը վրիպել է Շապուհի թագավորության այդ մեկ տարին<sup>48</sup>: Թերևս դրան ուշադրություն չդարձնեինք, բայց այն չի անցել անտեղի: Ս. Տ. Երեմյանը հաշտությունը օգտվում է սեփական վրիպումից՝ փաստարկելու իր բաժանման վարկածը: «Ինչպես երևում է հորենացին «ժամանակ անիշխանութեան» կամ «ամբ անիշխանութեան» էր համարում այն 26 տարի կազմող ժամանակահատվածը, որ սկսվում էր Արտաշատի Ե-ի գահին կենցութունից հետո, երբ 261 թ. պարսկական Հայաստանում գահ բարձրացավ Որմիզդ Արտաշիրն իբրև Հայաստանի մեծ թագավոր, մինչև Տրդատ Գ. Արշակունու գահակալության վերջնական ճանաչումը հռոմեական Հայաստանում (287),—գրում է պատմաբանը:—Այս 26 տարին, որ ամբողջ Հայաստանի վրա հայ Արշակունիների իշխանության ընդհատման տարիներն են, չպետք է շփոթել այն 27 տարվա (սկսած Սպանակի և անիշխան մնաց աշխարհս Հայոց զամս Իէն,—Սամուէլի քահանայի Անեցույ ճշարտմունք ի գրոց պատմագրաց՝ Վաղարշապատ, 1893, էջ 61) հետ, որ ընդգրկում է 256—283 թվականները: Դրանք բռնադրաված հռոմեական Հայաստանի Սասանյանների ապօրինի իշխանության տարիներն են: Այսպիսով, պարսկական տիրապետությունը Հայաստանի մեծագույն մասում տևել է 261—293 թթ., այսինքն՝ 32 տարի»<sup>47</sup>:

26 և 27 թվերի մասին այդ դատողությունները, որ իբր մեկը վերաբերում է ամբողջ Հայաստանի հայ Արշակունիների իշխանության ընդհատմանը, մյուսը՝ պարսից կողմից բռնադրված հռոմեական Հայաստանի ապօրինի իշխանությանը, ոչ մի իմաստ չունեն, Ե՛վ Սամուել Անեցին, և՛ Ս. Տ. Երեմյանը այդ թվերը վերցրել են հորենացուց, միայն Սամուել Անեցին ճիշտ է կարդացել բնագիրը:

Այդ սխալի մեջ էլ սխալ կա: Ինչո՞ւ հորենացու թիվը վերաբերում է ամբողջ Հայաստանի հայ Արշակունի իշխանության ընդհատմանը, իսկ Սամուել Անեցունը՝ միայն հռոմեական Հայաստանին, երբ ժամանակները գրեթե համընկնում են՝ 261—287 և 256—283: Կարելի՞ է մտածել, որ Սամուել Անեցին հռոմեական Հայաստանի պատմիչ է: Դա հայտնություն կլիներ և ապա՝ ասվում է, որ Սամուել Անեցին անիշխանության ժամանակ է համարել պարսից կողմից հռոմեական Հայաստանի ապօրինի տիրապետության շրջանը, ուրեմն հռոմեական իշխանությունը նա դիտում է օրինական: Մի՞թե այդպես է կարծում Ս. Տ. Երեմյանը:

Բայց ամենից ավելի տարօրինակ է պարբերության ամփոփումը՝ «Այսպիսով պարսկական տիրապետությունը Հայաստանի մեծագույն մասում տևել է 261—293 թ., այսինքն՝ 32 տարի»: Ուղղակի դժվար է հասկանալ: Խոսքը գնում էր հորենացու 26 և Սամուել Անեցու 27 տարի տևող անիշխանության շրջանների մասին, որ իբր չպետք է շփոթել, որ մեկը վերաբերում է ամբողջ, մյուսը՝ հռոմեական Հայաստանին, և հանկարծ նման եզրակացություն: Ի՞նչ հնարով կարելի է 26 և 27 թվերի զուգորդմամբ ստանալ 32: Փաստարկն ու եզրահանգումը այստեղ էլ ելնում են իրար դեմ, ո՛չ, ուղղակի իրար հետ որևէ կապ չունեն:

Ժամանակաբաժան անճշտությունները դրանով չեն սպառվում:

Ազգաթանգեղոսը վկայում է,—գրում է Ս. Տ. Երեմյանը,—որ հոսրոմի պատերազմները Սասանյանների դեմ տևել են 11 տարի (245—256), որը և համապատասխանում է պատմական իրականությանը<sup>48</sup>: Այնպես է գրված, կարծես պայթարի 11 տարիները Ազգաթանգեղոսն է տեղադրել 245—256 թ. միջև: Ազգաթանգեղոսի վկայությունը, սակայն, այդ թվականների և, նույնիսկ, այդ շրջանի հետ կապ չունի. նա գրում է, որ հոսրոմը Արտաշիրի դեմ դուրս եկավ նրա իշխանության երկրորդ տարին, ուրեմն՝ 227 թ., եթե Սասանյանների իշխանությունը սկսվում է 226 թ.: Նշանակում է 11 տարին ընդգրկվում է 227—238 թթ. մեջ: Պատմաբանը, սակայն, բերում է և այդ տվյալը, որ հոսրոմը Սասանյանների դեմ պայքար է սկսել Արտաշիրի իշխանության երկրորդ տարուց: Բայց Անակի կողմից սպանվել է 256 թ.<sup>49</sup>: Իսկ այդ դեպքում պայքարի տարիները լինում են ոչ թե 11, այլ՝ 29 (227—256):

<sup>48</sup> Հետաքրքիր է, որ Ջրքի մի այլ էջում նա առանձին հիշատակում է Շապուհի մեկտարյա թագավորության մասին, հորենացուց բառացի բերում քաղվածքը և համաձայնում նրա հետ (տե՛ս 2ԺՊ, էջ 59—60), մի այլ տեղ և նույն գրքում նա Շապուհի թագավորին հաշվում է երեք տարի՝ 273—276 (2ԺՊ, էջ 49):

<sup>47</sup> 2ԺՊ, էջ 64:

<sup>48</sup> 2ԺՊ, էջ 37:

<sup>49</sup> 2ԺՊ, էջ 25, 44:

Բայց խոսքովի ժամանակագրական դեգերումները դրանով չեն ավարտվում; ինչպես և՛ ժամանակագրական մահերը, Համաձայն Ս. Տ. Երեմյանի խոսքովը Անակի ձեռքով նախ սպանվում է 237 թ.<sup>51</sup> ապա՝ Հայաստանի հռոմեական մասում գահակալում է 273—287 թթ.<sup>52</sup> և վերջապես՝ խոսքով Մեծ-Տիրան-Տրդատը սպանվում 256 թ.<sup>53</sup>:

Անհրեբը չեն և Տրդատ III-ի գահակալության տարիները: Առաջին անգամ Տրդատը թագավոր է Հանալվում կամ թագավորում է նախ՝ 245—252 թթ., ապա՝ Մեծ Հայքի հռոմեական մասում՝ 287 թ. և ամբողջ Հայաստանում՝ 298 թ.<sup>54</sup>: Երկրորդ անգամ՝ 274 թ., 276 թ., 282—283 թ., 287 թ. և ամբողջ Հայաստանում՝ 293 թ.<sup>55</sup>:

Խոսքով Մեծ-Տիրան-Տրդատ II-ը 253 թ. հռոմեական Հայաստան տեղափոխվելուց հետո, ՀԺՊ-ի համաձայն, պարսկական Հայաստանի թագավոր է կարգվում Արտավազդ V-ը: Այդպիսի խաղաղորդ հայ պատմիչները չգիտեն: Այն չի ընդունված և պատմագիտության մեջ: Դա Արտավազդ Մանգակունին է, որ Տրդատ III-ի խնամակալն էր և խոսքովի սպանությունից հետո մինչև պարսիկների ներխուժումը իր սանի՝ Տրդատ III-ի անունից կառավարում էր երկիրը: Մենք առիթ ենք ունեցել բնեկու այդ խնդիրը և այստեղ վերստին անդրադառնալու հարկ չկա: Բայց տեսնենք, թե ինչպես է Ս. Տ. Երեմյանը հաստատում նրա ինքնությունը:

Առաջին անգամ պատմաբանը համաձայնվում է այն կարծիքի հետ, որ Արտավազդը հայ Արշակունիների տոհմից չէր, և խոսքը վերաբերում է Արտավազդ Մանգակունուն: «Ստորե կտեսնենք,—գրում է նա,—որ այդ ենթադրությունը հավանական է դառնում Res gestae-ի տվյալների լույսի տակ»<sup>56</sup>: Երկրորդ անգամ նա հրաժարվում է այդ մտքից. «Գերիշխող է այն կարծիքը, որ այս Արտավազդ V-ը Արշակունի դինաստիայից չի եղել և թերևս նույն Արտավազդ Մանգակունին է, որ ճիշտ լպետք է լինի»<sup>57</sup>: Երրորդ անգամ Ս. Տ. Երեմյանը Արտավազդին համարում է «Տրդատ II-ի որդիներից մեկը, կամ նրա եղբայրը»<sup>58</sup>: Իսկ չորրորդ անգամ, ՀԺՊ-ի լքերում, նա վերադառնում է երկրորդ տարբերակին. Արտավազդ V-ը «Արշակունի դինաստիայից էր և տարագիր Տրդատ II-ի ազգականներից՝ Արշակունի սեպուհներից մեկը»<sup>59</sup>:

Իհարկե, պատմաբանը կարող է նույն խնդրի շուրջ տարբեր կարծիքներ հայտնել, բայց եթե դրա համար ունի որևէ հիմք կամ տվյալ: Ս. Տ. Երեմյանը այդ բոլոր դեպքերում, ընայած համառոտագումներին, ոչ մի փաստարկ չի բերում: Դա անշուշտ արտահայտում է հայեցակետի բացակայություն և ոչ թե ճշմարտության ձգտում:

«Գահակալելուց հետո Արտավազդ V-ը ձեռք է բերում և կենսագրություն: Պարզվում է, որ Խորենացին նրան շփոթել է Արտաշես I-ի<sup>60</sup> որդի Արտավազդի հետ, որ իր ազգական Տիրան-Տրդատ թագավորից դժգոհ, հռոմեական Հայաստանի Հաշտյանք գավառից տեղափոխվել է պարսկական Հայաստան: Նա հակառակորդն է Հայաստանի հռոմեական մասն անցած իր ազգական Խոսրով Մեծ-Տրդատ Բ-ի: Նա ընտանիքի, առաջին հերթին վերջինիս որդու՝ մանկահաս Տրդատի: Նա թիրե վասալ իր այրուհիով պարսկական զորամասերի հետ մասնակցում է Հռոմեական կայսրության դեմ մղվող պատերազմներին և հավանաբար զլխատվել է իրեն պետական դավաճան»<sup>61</sup>: Այս ամենը պարզ հորինվածք է: Վաղուց ապրած Արտաշես II-ի որդի Արտավազդը բուն անձնավորել է III դարի Արտավազդ Մանգակունուն և «մանկահաս Տրդատի» խնամակալն ու փրկիչը դարձել է «մանկահաս Տրդատի հակառակորդը»:

Հեղինակը, թվում է, հենց այնպես, իմիջիպալուց բերում է «Արտավազդ V-ի» տիտղոսները. «առաջ սեպուհ», «Մեծ թագաւորն Հայոց», «Մեծ արքայ Հայոց» այնպիսի կապակցությունների

50 ՊՐԶ, 1966, № 2, էջ 68:

51 ՊՐԶ, 1976, № 1, էջ 81:

52 ՀԺՊ, էջ 44:

53 ՊՐԶ, 1966, № 2, էջ 69:

54 ՀԺՊ, էջ 60—62, 64:

55 ՏԵՄ Ա. Ա. Մարտիրոսյան. Հայաստանը և առաջին Սաւաւյանները, էջ 153—154:

56 ՊՐԶ, 1966, № 2, էջ 63:

57 ՀՍՍՀ ԳԱ «Լրաբեր հաս. գիտ.» 1975, № 1, էջ 14:

58 ՊՐԶ, 1976, № 1, էջ 81:

59 ՀԺՊ, էջ 41:

60 Պետք է լինի Արտաշես II: Ս. Տ. Երեմյանը Արտաշես II-ի որդի Արտավազդի գործողություններն է վերադրում Արտավազդ V-ին, բայց շփոթում Արտաշես I-ի հետ:

61 ՀԺՊ, էջ 42—43, 52:

մեջ, գրառար և չակերտներով, որ պարանք է ստեղծվում. թե դրանք քաղված են աղբյուրներից<sup>62</sup>, Բայց աղբյուրներում, կրկնում ենք, Արտավազդ Մ-ի մասին խոսք չկա, րացի Տրերել-լիուս Պոլիոնի սո արտահայտությունից, որ սոսկ գրական ոճավորում է:

Այժմ բերենք ՀԾՂ-ի մեջ Արտաշես II-ի որդի Արտավազդի կերպարի մասին մի երկրորդ տարբերակ: Խորենացին, քաղելով Գողթան եղբայրներից, պատմում է. որ երբ Արտաշեսը մահացավ, կոտորածներ եղան: Արտավազդը դժգոհեց և ասաց. «Մինչդեռ զուգահեռ, և զերկիրս ամենայն ընդ քեզ ասարար, ես անբարկացս ո՞ւմ թագաւորեմ: Արտաշեսն այդ խոսքի համար անիծում է նրան և ասում. «Եթե դու յորս հեծցիս յԱզատն ի վեր ի Մասիս, գրեզ կալցին քաջք, ասարցին Ազատն ի վեր ի Մասիս, անգ կալցես և զլոյս սո տեսցես»: Ապա տարեց մարդիկ զրուցում են, շարունակում է Խորենացին, թե Արտավազդն արգելված մնում է քարանձավում երկաթյա շղթաներով կապված: Երկու շուն կրծում են շղթաները, իսկ նա ամեն կերպ ուզում է գուրս գալ և վերջ տալ աշխարհին: Բայց դարբինների կոանահարության ձայնից շղթաները ամրանում են<sup>63</sup>:

«Եզթյակապ Արտավազդն արտացոլումն է վերոին պարթև Արշակունի գահակալ Արտավազդին, — անսպասելի հավաստիացնում է Ս. Տ. Երեմյանը<sup>64</sup>: Բայց եթե հարց տրվի՝ ինչո՞ւ, պատասխան չի լինի: Նախ՝ Արտավազդը վերջին պարթև Արշակունի գահակալը չէ, վերջինը Արտավազդն է. նրա հայրը: Արտավազդը չասցրեց գահակալել և փախավ Մեզիս, և ապա՝ անհասկանալի է, ինչպե՞ս պատահեց, որ հայ դիցարանական-հավատալիքային սյուժեն հյուսվեց պարթև Արտավազդի վրա, որի դերը չափազանց աննշան է և հայանքի և չէր կարող հիշողության մեջ: Դեռ թողնելու էինք է թելադրել պատմաբանին այդ գեղեցիկ զրույցը պոկել ազգային հոգից: Դերես ռավական է:

Մնում է զարմանալ, ինչի՞ց են գալիս այս սխալները ե ինչո՞ւ է առաջ քաշվել 244—253 թթ. Մեծ Հայքի ռաժանման վարկածը, եթե աղբյուրները նույնիսկ չեն առիթ են տալիս, մինչդեռ դրանով ազավաղվում է III դարի հայոց պատմությունը: Արշակունիները Հայաստանում ազգայնացան III դարում: Մինչև այդ նրանք գինաստիական իշխողներ էին, և եթե III դարում Հայաստանը ռաժանված էր երկու աշխարհակալ տերությունների միջև, նշանակում է Արշակունիների շրջանում չկար ընդհանուր ազգային պետականություն: Բայց այդ եզրակացությունը լուրի գիտական ոչ մի հիմք: Ինչո՞ւ արհեստականորեն ազդարարենք հայոց պատմությունը:

## ГИПОТЕЗА О РАЗДЕЛЕ ВЕЛИКОЙ АРМЕНИИ В III ВЕКЕ

Доктор филол. наук А. А. МАРТИРОСЯН

### Резюме

О разделе единого царства Великой Армении была выдвинута новая гипотеза, согласно которой раздел Армении между Персией и Римом впервые имел место в 244 году, а не в 387 году. Эта же мысль отражена во втором томе академического издания «Истории армянского народа». В статье рассматривается вопрос раздела Армении. Автор полагает, что для обоснования этой гипотезы не приводится ни одного аргумента. В 244 г. акт раздела Армении не имел места.

62 ՀԺՊ, էջ 41, 43: Հեղինակը բերելով SKZ արձանագրությունից Որմիզդ-Արտաշրի տիտղոսը՝ «Արմենիայի մեծ թագավոր», ծանոթագրում է. «Հմմտ. հայ մասենագրությունից հայտնի «Թագաւոր Հայոց Մեծաց», կամ «արքայ Հայոց Մեծաց, ախտղոսի հետ» (ՀԺՊ, էջ 40): Բայց դրանք նույնիմաստ չեն: «Թագաւոր Հայոց Մեծաց» նամ «արքայ Հայոց Մեծաց» նշանակում է Մեծ Հայքի թագավոր և ոչ թե Արմենիայի կամ Հայաստանի մեծ թագավոր, որ համանիշ է Արտավազդ II-ին վերագրված տիտղոսներին: Բուլորովին այլ խնդիր է, թե որքան է ճիշտ կարդացվում SKZ արձանագրությունը:

63 Մոսկու Խորենացի, Բ, կա:

64 ՀԺՊ, էջ 31: